

復
初
齋
詩
集

復初齋詩集卷第二十五

大興 翁方綱 正三

秘閣直廬集上

壬寅三月至十二月

是年春四庫全書告成恭貯於

文淵閣定以三六九月曝書

命校理諸臣分日入直敬取直廬之名以榮是集其同

直所作者亦在焉則又名秘閣唱和集也

文淵閣直廬同季絅齋官贊賦

三月廿九日

曝書猶是讌餘春直舍輪番入及晨綠樹紅窻塵不到

琅函玉字度來新官聯藝苑兼芸閣掌故先程更後陳

陳騷館閣錄亦載曝書會實本之程俱麟臺故事

七載充銜無寸補靜看甌景

畫廊循

端範堂曉起

空山靜無睡惟聽百鳥聲豈知三日齋塔焉羣籟并俟
息交正陽夜氣浩虛明萬有善者機知我淡無營局曹
多清暇官鼓罷櫟更西山雨氣來北牖空涼生高閣鑰
未啓駕言趨重城玉河見紅輪水上宿雲橫

丁小正進士歸耕圖

此圖逾歲留我齋展對如到君荆柴羅生宋生雙妙筆
千頃劃出龍鸞斂遠山近屋互掩映日暄風淨無氛霾
家僮相隨蓑或笠石杠不用筏與簞蒼茫界綠望無際
密疏稜畎勻相挨先生晨起策杖出我田屬目意思佳

腹中默誦夜來卷澗翻布穀鳴聲皆高鳳麥流彼癡耳
兒寬鉏帶真吾儕村翁隔屋儻相候饅餉問課兼談諧
夕歸騎牛或腰笛輟犁釣水還尋涯誰知此景特寄意
先生尚住長安街去年登第橐逾儉八春歸夢計屢乖
語我二生幻墨戲徒使鄉井牽于懷我謂此圖實非幻
贈處肯類戲與俳先生安坐聽我語經義久種滋根荄
昨師康成繪鄭像帶艸青出如緝縞又補東樵釋禹貢
方罫界畫無離孤此皆心耕手芟刈胼胝不比勞筋骸
其餘闡幽復抉窅直從邃古追義媯貪多嗜博亦一病
請循隰畛窮巔厓農夫力穡在專務有秋釀秫如澠淮
湖山放艇況不遠艸堂舊榻雙眼揩治經奉母課兒子

菑畚肯獲深庭階他年江頭訪老宿俶載儻許舊友偕
桂君名堂尚有待此心千里同模楷春雨初濛宿雲起
小窻求友禽喈喈

去年未谷將歸作歸耕堂圖予亦有詩

心畚病起移居以素紙屬書東坡跋二王帖詩

戲呈一絕

定心那復點塵分日日寅哥搨右軍切莫尋思永寧里
墨螺擣麝畫香雲

用前韻送瘦同秘檢假歸蘇州

送客城東併送春連鑣疊唱到連晨常懷藜閣

恩綸重已壓歸帆卷軸新吳下書名品文祝蘇齋詩法

叩黃陳秋來準擬論心得著錄堂階次第循

瘦同以所新得祝題

白陽梅卷同賞因與
論山谷詩故及之

題宋芝山所收楊鐵厓墨蹟後

我收伯生伯雨蹟伯生所試郭玘墨此老書在虞張間
加以奇氣殊常格虎圖比興端有寄驥詩筋力與之敵
想當擲筆起立時徙倚綠窻三歎息小凌波捧鳳唼研
梅花夢醒龍仙伯試墨今朝西爽軒樓題何似蓮峯石
桐烟墨法後松烟郭生勲並潘生策可憐一點落漆光
千古寸心終不易宋君昔收伯雨詩墨淡歆傾味餘癖
石老江空三百秋七者寮中誰主客寸章翻篆硃砂紅
七作
素絹仙風起虛壁墨緣重結小蓬萊喚響青鸞一
聲笛

文淵閣新貯四庫全書自四月四日始每冊用

御寶二前曰

文淵閣寶後曰

乾隆御覽之寶恭紀二十韻

秘玉昭

宸鑒趨晨得敬瞻自

天文式賁排日卷端鈐綠字卿雲縵金泥瑞露霑後先
符所揆大小篆攸兼三萬六千冊青紅白黑籤

寶章增煥爛

謨典更尊嚴古有觀圖紀初從運斗規錫文黃柳負授

檢玉繩占

春秋運斗樞舜臨觀黃龍負圖有五字符璽

天一中經握青精紫

府拈廣博物志紫書金根經有青精玉璽太清中經有天一八極璽何如

心印合胥以

道摩漸萬象歸旋紐千鈞鎮素縑含芒森陸城如矩式

堂廉羣玉規元富龍圖製已織宋祥符二年鑄龍圖閣御書記奎章摹

畫失元奎章閣寶宣德鏤銀嫌明文淵閣銀印宣德年作壁舍薇垣

繞藜膏

乙夜添赤虹流墨海珠斗切彤檐直許分旬日班初合

翰詹無風香不散當午靜忘炎畫拱芝千疊方池鏡一

奩卽看松石氣跳雨灑珠簾時方禱雨

徐天池畫二首萬曆廿三年春二月寫於清曠樓

山陰巖壑多陳迹此境深幽又不然一綫鵬飛意何處

寥寥真氣澈胎仙

暮年思極艸書圖乙未之春臥鏡湖黃酒悲歌一迴憶
鶴羣何處夜相呼

貽贈曾祖父母行焚黃禮敬述二首

聖壽同天錫福均推

恩逾格荷

深仁

四品以下
例茲出

特旨蓋異數也

瀧岡敢擬追三世小

雅常懷昔二人鳳閣鴻文新奏

進

貽贈曾祖諱文麟
閣中新撰者

臺故事古無倫

詞臣向無加
殿閣銜者

永銜廿載官坊忝惕息迴

環午又寅

先祖父母先父母皆貽贈
五品行焚黃禮在壬午冬

抱兒烈殉百年前

曾祖父母王太君甲申
殉流寇之難投井死

門戶支持弱可

憐館閣一家優秩遍祖孫四世受

恩全卑微官職蒙

天聽

上嘗垂問云爾祖父何官

清白書香押字傳

曾祖押字方綱

常若孤癯無倚日

曾祖行九曾祖母趙太君亦數歲而孤

莫言鼎食薦堂筵

王健奩鏡緣述意圖三首

述意如何鏡是緣奕疑老衲劒疑仙東坡索笑披清潁
次律前生悟響泉欄倚衆香風點絮渚空一碧月流天
中間背立神尤似正要先生認畫禪

虛白齋心只一奩挑燈重與故人談扁舟烟雨盟焉往
勾漏丹砂夢畧諳訝許齊州峯點九爲誰李白影成三
他年息壤追前諾可是江南是廣南

怡園第宅懺園花世守青箱有幾家握手髫齡今老大
論交嶺表憶京華勤將蘭玉培芸圃莫漫琴尊展畫叉
肯放閒身耽野興津門魚稻課桑麻

邵文莊溫研爐歌和曉屏司業作

我昔鎔銅仿溫研二泉銘詞摹未見今君示我溫研詩
仿佛研圖來對面觀圖拓銘十載前圖未追尋銘已羨
陽冰不治陰火然燮友之桑葦之變金耳玉鉉渾一氣
雪液丹田日千徧一物程門格已深二泉江水名誰擅
當時銘尾無年月想見歸田綵衣絢橫卷龍山作研屏
閱二百載如流電傳到西疇刊止齋又來松下西神院
製有桂坡安氏名只欠茶陵篆題弁去年我繪桂坡像

舊本神猶坡蹟戀山所藏宋藁坡詩是安氏故物有錫

裝於茶陵二泉歐與蘇火繼薪傳坎之存世有盛禹王

帝輩儻來秋菊寒泉薦竹爐更補研爐圖梁溪重剪鵝

溪絹冷淡石交不附熱墨濤怒響猶酣戰他日扁舟訪

禪室飛起聽松雲一片

文淵閣後假山得嵌字十二韻

奎閣澄淵鏡崇規積石嵌自然

仁知合不是斧斤剗高下層青抱迴環衆皴巉道山崇

磊砢玉圃祕嘶啣畫水坡如映朱金鑲坡有巨然金鑿

翠不茭南唐朱遵度有集苑金鑿書目近

天承雨露得地蔭松杉北苑同能事南垣創大凡華亭張健

字嶠垣

以

北苑

諸石

鑿法

本意

作

玲瓏

排

扣

砌

結構

對

琅函

信有

仙人

奕來

窺石

室巖

有

仙奕

一

嶠

上

五丁

非變

幻二酉並森嚴星宿方探海蓬瀛不借帆坐來忘暑序
真箇稱水衙

爲沈寄樵題李寶幢學士畫蘭扇頭

南陔一棹裏湖香慈竹春陰覆淺涼淡捲墨雲新過雨
娟娟玉氣滿迴塘

文淵閣新栽小松得江字十二韻

傑構憑銀渚翹材仰石砭有挺規以桷斯兌慶于邦念
自窮巖產誰期弱質扛移根鄰苑委得氣倚崆峒未擬
虬髯甲初森翠羽幢月搖金匱匣泉滴玉琤琮節待孤

莖勵心教百卉降擷芸膏漸滿 錫譙露新從潤衰牙

籤萬青依 鳳闕雙淡烟交瑞霧綠字映紅窻卜蔭鋪

涼簟然藜伴夜釭株株堪入畫一幅染春江

將屬工畫者摹郭熙

屏幅於壁

題畫四首

不肯入州府時亦步溪橋雲氣上衣屨菰蒲影動搖

試覓漁家港誰知釣者心晚來涼吹起葦際有聳音

雨急南浦雲風響西巖樹舟人喚不膺咫尺焉得渡

書窻罷晚課童子掃前亭待客携琴至雙崖相向青

三十四漢瓦軒歌爲宋芝山賦

宋谷書扁

三十四瓦來咸陽宋君拂拭開錦囊千秋萬歲益延壽

長生無極樂未央宗正都官排以次或考其年志其地
如讀靈辰漢鑑銘不比銅仙漢槃淚北歸寶墨自顏齋
齋扁重題瓦自措共看研背新濡墨猶是秦中古綠苔
小兒擣麝搗十日寶篆香烟滿吾室錫花雷斧隱文理
倒薤芝英蟠鬱律屬我當爲漢瓦記攬撫秦官衛官備
瓦有衛羽陽猶遠甘泉邇三輔圖括長安志往時圖說
林侯官近者作記朱排山二千年事螺旋數卅六離宮
指掌看書生弔古憑空談携過燕南憶濟南萬瓦摩挲
皆石友一椽何日結茆庵爲爾題軒復題冊明月飛輪
著圓璧儼以毋忘富貴辭量以慮虎鍾柔尺柱家十二
題篆師篆秋更問錢獻之請將呂薛諸家釋試補王朱

瓦研詩

宋谷齋名士
二篆師精舍

漢韓叔節造孔廟禮器碑陰有小隸書三行熹
平三年左馮翊池陽項伯修來凡十三字從來
著錄家所未見也予以滁陽顧云美所藏舊本
審定得之因摹勒以傳作歌志喜

韓相後碑不可見谷口手拓纔百年桂四昨歸更窮索
廟林帀綠空蒼烟緘書寄我共歎息此憾欲補知無緣
前碑忽得顧藏本璵蠟遠出谷口前珠芒斗紀朗躔度
金針鐵線相盤旋誰知秋毫隱復見細入無間絲微牽
中間三行十三字後十八載來書鏤碑立於永壽二年碑陰碑
側魯薛趙一題京兆特偶然碑陰云京兆劉安初二百遠自咸秦問

鄒魯遂升堂戶聽筦絃或隨諸儒習禮器爲感明府嗟

仁賢洛陽石經時待出蒼頡題字猶未傳

蒼頡碑有喜平六年題字

今拓本多失之

伯威伯世接名氏恰有伯也來差肩單纖筆勢

中規矩有若園府安陽泉芝英雄葉古無土虛舟妙悟

言忘詮虛舟雖得古白本洪闕未免訛相沿

通下非國字乃四字

也槃洲南濠競多少五十步笑百步焉我摹此字重入

石秦箏絃與雁柱翩嵩山若準季度例隸續定附碑圖

編不得後碑乃得此寄聲桂四誇予偏一笑鑒藏漢隸

者壓倒珊瑚網珍珠船

鄭雨亭自湖北來爲予畫赤壁圖二首

君寫停船處危機更有樓燒餘孤石曉氣挾大江秋鶴

笛聲如在枝巢影尚留寥天憑檻立爲我重夷猶
三分安在哉二客爲誰來公瑾他時憶東坡曠世才殘
碑摹仿佛畫像竚徘徊萬丈星虹氣蘇齋待汝開

陳玉几畫梅水仙各一幀爲子田題

畫花不畫月渾是月精神黃昏一段影水月皆非真竟
以襟懷貯此中知有人

我愛山谷語一笑大江橫因之寄遠者日暮江波生俄
頃風雨作眩轉不分明

夢菊行爲朱淵亭編修賦

天隨嘗作憶菊詩朦朧月下清香發幽窻一夢隔微霜
千載此情猶恍惚可憐笠澤一片雲兮境分明向人說

爾來誰復夢此花青眼昏黃惱不徹我謂善夢莫如陶
一籬醉倒觥心凸盃傾日入羣動息聊復東軒意兀兀
此非夢菊真境歟多少詩人未拈出小九華翁特好奇
松阿道人筆爲述金陵湯謙爲作夢菊圖青箱王家舊閣子白紙
坊西冷禪窟似否故山香黯淡一洗胸中氣硯硃陸集
陶詩要箋疏碧水青峯悟神骨僧房盆種何須乞墨池
苗葉天機活屋扁聊因記夢題餐英儻解傷人渴打門
更不待西風憑君對倚紗窻月

壽鄭雨亭

供養烟雲信有之黃庭內景是吾師門前書帶康成艸
酒後酣歌杜老詩服氣每從馴礪鹿神光到處採山芝

臨墓更不須文沈請看長年接大癡

栢芝馴鹿皆兩亭自寫圖名

淨門復民歌爲未谷作

知君歸耕無可耕但給埽除壇與闕壇
闕埽除豈待君闕下壇邊虔拜謁幸託魯城城北居
株守陳編窮兀兀上稽箋傳該墳典下攬圖經證碑碣
今之北門古淨門地釋南東叩誰竭何休公羊傳注鹿門魯南城東門也而爭門吏門皆未釋爭卽淨字
我因三傳考舊典不但周官等功闕七十子後多軼聞
三千年事猶恍惚緬初飭治桐車馬一行梓種深耕墜觴
觴爵鹿籩杞間得其鄉人免繇發金絲詩禮想遠音叢
木寒泉間清樾安得從君執微役日日東山仰蒼翠向
來瀆井派涓流咫尺津原事根掘韓勅後碑竟焉往烹

平遺字窺豪髮昌平亭下重躊躇每屆烝嘗記霜月史碑勅遺并復民飭治桐車馬於濱上東行道表南北各種一行梓予屬未谷訪韓叔節後碑至今未得而予得舊揚禮器碑陰有熹平三年題名小隸書三行則從來諸家所未見也

趙貢夫以陳古白書見贈賦謝二首

吳下蘭癡孰識真水仙江月合精神我摹稊帖燕齋印君定易山悟後身

永師緘憶翁師石六止焉能例二持塔影池光何者是

萬峯香雪一橫枝貢夫善畫梅

次答竹坪司成過訪不值

杜家賓客兒童喜荒逕柴扉未拂塵惠我聞聲九臯鶴溯君在水一方人月明寺閣鐘相應雨後荷池筆有神

見示看綠滿槐陰聽晝漏冰壺玉映更清新

次和竹坪城北看荷兼呈曉屏

香在槐陰衣袖中隔城不礙軟塵紅綠波乍熨羅裳皺
翠扇初欹鏡面風三伏炎蒸消鄴下六朝金粉壓婁東
謂曉屏齋中石看花看畫誰賓主渾是先生道眼空

自題所藏肅府淳化閣帖初搨本二首

墨香百五十年前北李燒松蹟宛然十載費家瑁楮葉
良工心苦倩誰傳

龍膽壺兼鳳喙卮東書園殿幾何時八分留得題名石

應教毛陳又二師今拓本帖末分書題云順治甲午張

林二師教重摹上石

李東明高人渡海圖

高人渡海本寓言機發於踵非杜權季咸蓋子孰名實
九珽之變三爲淵莽眇誰乘避矰鳥御風自課靈椿年
不濡之濡豈蹈水至人所以全於天嗤爾苦執玉局贊
落花流水來空山雖嘗乘桴喻季路尚想奏樂聆軒轅
摩詰猶拈恐悖義紫微翻出問難端不如渾取白描意
裊窈一髮相盤旋飛揚沈寥儼御氣飄飄如出天地間
挂之蘇齋蘇像側似聞高人笑語還灑然相忘筆墨外
斜陽澹起香篆烟以馬喻馬指喻指五百變相摹龍眠
直廬七夕同論山檢閱和錢仲文宿直中書曉

翫清池韻

暑退便晨直秋光切 禁林曲欄周宛委虛砌靜高深
閣敞澄流鑑池開碧樹陰因三規地勢生一象天心
御藻含濡澤文瀾漲渚潯爽元占辟蠹潤况叶爲霖佳
夕簪初盍新涼皺滿襟半奩飛鵲遶隔葉候蟬吟 鳳
闕聯翬翥銀河案戶臨淵源津以逮伴負矢其音露重
香霏玉風高粟綻金共言霑藻泳肯比忤淵沈

近有以寶賢舊榻爲大觀者予爲改題附二詩
以當帖平

太行石理溼松烟尚在陰陰水竇前大艸魯公人信否
嵩陽一笑政和年閣帖大觀帖皆無顏書惟寶賢有之
嵩山有石刻大書魯公題世傳爲顏
書耳

絳本真傳久不聞
石欄星影點微雲
簾痕北紙從今認
細叩堯章單炳文

董文恪仿檀園小景爲時帆檢討題二首

家本天然寫大癡
富春山色卽吾師
苧邨一語拈成悟

正是深叅董巨時

畫於甲子三月張瓜田謂近叅董巨時也

六浮小閣玉玲瓏
秋在湖山淡靄中
淨几晴窗來舊夢
片帆點破夕陽紅

子田以舊竹臂閣李裊堂畫梅潘桐岡手刻者

見贈賦謝

揚州烟月文章藪
忽變經師訓詁家
今夕高齋訊前諾
寒燈影在瘦梅花

論山艸堂圖歌爲雅堂秘檢賦

道家福地三十八我聞鮑靚期葛洪朱陽仙館別有路
良常已字銘虛空君之此圖殊不爾一山面背江光中
面者軒窗背林麓甕城一半青濛濛風帆沙鳥瞰萬里
窄堵波影摩青穹雲濤浩浩起襟袖水烟澹澹生簾櫳
寶蓮雖湧香界出艸堂自與山精通三山靈音答萬古
六朝藻翠橫千峯留題得繼米海岳卜居何似蘇仲恭
雲壑大書久重勒東坡僦地將誰同銀臺星石蒜山句
重崖竹里雲與松元嘉參軍東海客千二百載來烟蓬
長留俊逸在天地此堂夜夜浮晴虹詩到海門前後集
趨庭嗣響尤豪雄如此江山巧結構元氣莽蒼羅心胸

道山延閣日檢校舊夢不羨丹臺崇直廬晝長示我卷
大江目極東流東前秋攝山山頂望微藍一點斜陽紅
金堂玉室不可到淨名致爽猶遺蹤山卿儻來重問訊
虛幌拂汨松濤風

雅堂屬題鄭蓮邨漁釣圖

放翁曾憾漁家叟空對江山一句無此叟雙眸盡詩髓
惜哉不與放翁俱

大理鐘歌

建極十二年辛卯三月丁未朔廿四日庚午建儲

嘉祐詔書褒宋祁始感召穆民勞詩元和大和舊史訖
紛紛僭竊誰及知嫌名之諱小過爾西川越嶲連創痍
蒙氏之終段氏始唐政不綱孰識之四忍書祁十死狀

邊將得不韋臯思印章纔聞長慶賜盟書記在蒼山祠
銅珠雨滴佛像出塔鈴天半松風吹一鐘聲徹八十里
逕丈下聳層樓基兩伊以署遍梵夾天王之義資護持
一面署曰辛卯三月朔丁未溫公唐紀可補遺陽識居
然派歐柳相輪經始傳尉遲一十九峯帶洱海層青直
倚天南睡中谿李志待搜補升庵扁字黃華碑我昔粵
東考鐘欵後此年又五百移藤州學官安南昌符鐘是明初時唐鐘陽
拓世蓋少蠻方古剎聞尤奇梵書一榜未克釋鉛槧遠
矣來滇池歸來堂中二千卷東洋國誥奚以爲作歌一
幅寫樂銑庚庚滿紙沙畫錐

大觀帖第六卷權場殘本歌

九仙鳳墅聞丁寧似人之喜嗤子經連枝同氣本骨肉
諸賢江左留典刑神霄宮中按寶籙秋光下馬瞻雲駟
尚方隃麋奚李製紫光奕奕浮青熒右將軍書驗真本
王侍書欸別渭涇標題歲月變正楷瘦金金錯交竝竈
其間增訂非一處庾丹楊帖初摸型建安袁生儼贈璽
旦極寒字真蘭亭近者涿州快雪刻舊傳集字懷仁銘
纖豪波磔一機杼石紋楮膜窮杳冥百餘年來晉府石
捧心顰效尹與邢其餘高行瘦畫本紛紛鼠脂誰辨麤
華亭庾聞北海購宜興語自主美聆坡公如何肖款記
義門那遽分畦町九仙初以墨本按過江工墨無定形
牘者權場精者賜南渡時已如晨星此卷右軍廿七帖

語酸辛

已卯秋方綱典試江西父執何子山先生時同知南康府

幸付所吟艸疇昔

託松筠先人寡交契所合必天真平生不名書書頗嗜
顏筋每誠學姿媚惟欲返朴淳所以訓後人必貴於儉
勤手抄族譜序寶林所諄諄吾家世畊讀淡泊貽清芬
食惟并日簞衣有百結鵲吾父口講授吾母手縫紉穠
然晝不飽膏罄夜難晨逢秋觸此懷痛哭叫蒼旻衣服
苟過飾是弗念書紳飲食苟兼味是弗記菜根研田戒
舍力囂耻嗟鮮民而豈可茲日反受賀於人甚且張綺
筵對客敞華茵敢敬告君子憐我幼艱屯職雖清華忝
學未尺寸臻善頌莫如規舉動慎笑嚬曷以矢夙夜加
之體安敦承先乃翼後思親必守身霜露或色儂僂僂

如牆循八摺淡紅簡炯炯見精神重以君子言感激友
輔仁再拜願聞過印涉思源源夜久月滿戶照影增清
寒

送訥菴還歛

早從諸老叩詞源近住京華重討論但以訥言爲玉律
不徒誦唱倒金尊葩流藝圃皆枝葉篆縷心香悟本根
莫道飛鴻無爪迹繡囊留得印泥痕

君著飛鴻
堂印譜

程彞齋書劒小像二首

蘭亭落水好情懷手抱陳編孰與偕千古風流傳不出

眼前又見一彞齋

予號彞齋而喜臨蘭亭意欲畫趙彞
齋抱帖獨立之景故嘗篆題所臨落

水蘭亭卷前四
字云又一彞齋

冒雪披裘有得乎沉吟把卷未操觚夫禔瑋秘羅倉雅

合入先生釋器圖

程君撰禮經釋器

同竹坪錫麓曉屏二司成陶然亭作和初白韻

佳辰偏少客來遊斜日澄潭澹不流背郭村家如罨畫
出林峯意欲矜秋催詩酒綠萸盈把屈指燈紅菊挿頭
多費江南烟雨夢蘆花聲裏棹扁舟

是日無風曉屏言所少者蘆花響耳

聽秋詩二首於裕軒漫圖作

蟋蟀雖近戶役車肯少休先生靜居久能以聽得秋遠
林近籬落聲感氣應求招邀素心人泠泠使耳謀衆喧
悟一寂昔遁憑今收所以杜德機鑑彼鯢桓流

先生十年前題葉爲客贈十年綠不褪復此窻光映此

圃葉太勞與人記名姓又苦裝作冊振撥詩人與往來
倡和侶題遍籬門逕豈唯山氣高欲與秋相競芸芸大
化中人力乃戰勝焜黃烟綠轉萍塊冒圓鏡語客且莫
喧小立待其定圈枰與比竹何者真入聽一笑對主人
依然竹几凭

文淵閣曝書恭紀十六韻

芸閣初藏歲秋光最爽晨計厨旬日閱分直兩班輪麗
日乾坤照需雲雨露新琅函端有耀壁府本無塵跪近
薇垣座欣瞻玉字陳朱絲凝點漆素繭滑流銀自古刊
藤竹惟貞淨粉筠生香藥珠秘聚蠹羽陵珍汲冢書注
蠹書者暴
書中蠹
蟲也 芟礬蔓法青黃皂白均元秘書監志秘書
稍物色黃蠟白芟礬

夔器各料治非一日曬晾必更巡金籥崇文掌東坡三

等錢詩云玉函金籥天上都官祕府親梅都官詩五月較量

來紫衣勅使親臨啓四庫全書告成初定以五六月仿

梅雨夏未若菊華辰宋代理書省仲夏曝書之制後改

定三六至道秋陽暴中天瑞景申分光憲藹藹吹皺水

粼粼翠氣來松石祥雲集鳳麟歸來談典故渺爾築亭

人有秀水朱檢討曝書登

文淵閣

直到蓬萊最上層日華雲氣縵觚棱羣書宿海躔珠斗

帝座文昌界玉繩下際周阿環鏡滙高懸寶墨倍冰

兢紬函却傲龍山顧夢寐程編讀未能最上一層御座中央

御書題宋槧程公說春秋分記五律因憶錫山
顧祭酒棟高撰春秋大事表時未得見此書也

爲趙貢夫題牧山子畫冊三首

盈盈數點蘭香在淡忘間琴語靜如答篆烟往復還幽
人時獨處暮雨愁空山渺渺一江綠天風吟珮環
落落抱空景孤情誰爲勞褰裳涉秋水明月滿江皋幽
谷若延竚蹇修非不遭伊人何所恨痛飲讀離騷
寒梅未吐時焉識千層雪如何此僧詩強自生分別古
來篆籀法寸寸絲皆鐵卽之春復溫拗怒石可裂空圈
明月光蕩激石腸熱非畫亦非詩此理向誰說

重九前一日

閣上作

旭景初陽霽色融 禁城霜樹倚玲瓏
道山銀闕千尋上 碧落青峯一氣中
身似雲紅長傍日 手如葉響快翻風
年年來作登高會 尺五瞻天更不同

文淵閣直廬同魚門用宋人同文館唱和詩韻

九月十二日

聯步金鰲背 上行手和沈瀛濯精英
三秋傑直依書幌 十載追陪託管城
露點千珠松對影 霜濃一氣鶴同聲
相從細叩還丹訣 絳闕如何內景生

次答魚門直廬見懷之作兼呈雅堂星橋

故事新添直廬行

諸君以僕補校理得輪番入直

妬余紫塞看金英 煩

將好夢馳螺岫

密雲有紅螺山

何減鳴珂接鳳城 合穎燭花催

曉唱叫羣霜雁壯 秋聲蔽垣于役歸來客 多少楓江藻

思生

直廬獨坐和魚門

十月十一日

春江幘子擬歌行題壁臨摹愧伯英同直諸公皆要予書壁而春江圖畫至今未就寒點冰花融研水暖留雲氣度官城穿窻午晷深添影活火新茶沸有聲供取靜中溫卷軸焚檀一縷篆紋生

孫河

孫侯河畔路霜白艸蕭蕭雨氣力濡塊沙痕深宿苗耕枯疑變石葦束易成橋漸識前山脈微瀾未是潮

霜樹

樹受旅程看霜空繪畫難株多臨野水葉未打征鞍一

半暮山影參差夕照殘
煨黃烟綠意都作冷雲團

密雲邨家與慕堂並屋而寓過談有作

籬逕帶殘霞柴門噪晚鴉
飽餐聊散步借屋作鄰家
籬

憶鄉園帖

偶談真定晉陽諸石刻

甌分土銚茶莫嫌風味淺
對楊

一峯斜

前數日與魚門林汲同直論詩意若有未罄者

密雲道中賦此歸以呈二君

橫奔無長瀾迴蓄有衆峯
吹律知氣潤測潮感源逢
悅耳寡留音眩目稀貞容
激楚與枯寂狂狷非得中
天地有正聲柔積黃鐘宮
調刁暢非怒冷翠寒交冬
淵乎文之心其氣浩塞空
意會前夕言道貴厚所克
二君金閨

彥秘此玉篇同試叩洪川梁聊代寸莛春

牛欄山二首

砧與崔嵬合憑誰箋郭邢

是山前則石戴土後則土戴石

林藏龕作洞

艸覆厂如亭背映一鈎月橫開千翠屏太行東北拱絕

阪或名陁

山以牛欄號村成牛角彎數家籬柵掩兩壁土花斑晚步場園淨秋收碌磳閑始知因職役今夕宿山間

漢建安弩機歌

弩制短長鄭未聞

周禮鄭注云弩短長之制未聞

弓之臂者傳說文宣

和始圖弩機七錯銀細鏤如盤雲比括機張主于發書言之義誰所云郭工守丞暨令史延光字畫蟠螭螭此

機隸文一十九分寸措挂衡權斤不知宣和用何尺古
者律度官司勤建安時方事江左居巢屯始留督軍徵
兵鑄器戒戎作八千五百誰策勲兩行畫入毫髮細厲
揚不假飛鳥紋機間立度以準望目窮勢入遙無垠沙
沈萬古斷鏃拾尚想一往碎雷礮何人筆法匹梁蔡使
我析理追膚筋程福稽福二師氏土花並起衝星雲釋
綴民校尉熊君碑末有建安二十一年碑師程福此機
文云建安廿二年四月十三日所市八千五百師稽福
二文正可匹對也此外建涿鹿市中賞活碧更莫空歎
安年字見於金石者寡矣

李鐵君

見鳴青山
人曉集集

梅根杖歌

阮吾山侍
御所贈

江上梅花千萬樹枝枝雪壓雲封處雪性雲情澹不消

援地孤根勢猶怒南陵作治豈偶然禹廟爲梁儻飛去
忽然遇著長嘯翁截作隨身壯遊具槎枒高節欲生鱗
指點白雲先引路五更拄向日觀峯十月踏破層冰涸
天門雲氣大海濤一條柳栗千鈞助示我登岱詩鏘鳴
俄聞此杖鏗有聲欲招薊北詩鄰社仍是江南梅性情
恐被花身惱詩瘦因題篆字號梅兄出郭尋詩知有伴
高樓吹笛莫頻驚然否青蓮綠玉比還記靜修鐵石盟
劉靜修集有梅杖詠摩挲節角耿清夜梅花一夢窻前醒空山明
月冷然悟頃刻變作梅龍精

題石帆詩卷後二首

歷下城西夢宛然羈提衣鉢石欄邊玉堂陰合花拈處

迦葉相依廿七年

此首寄懷石帆尊
甫秀峯老友也

卷尾何人訪蘇米吾齋香篆儻前盟玉山帆影桃花漲

鐵笛時吹小海聲

此首兼寄
冶亭宮詹

題丁龍泓所書金壽門詩自序後二首

鄰鷄終恐是家鷄莫信飴山舊品題定遠墓門誰弟子
可憐六紙庾安西

烏目山人畫午亭當時濩澤眼俱青查田老韻杭湖接
可倚詩僧閣子聽

題鄒錦章小照

玉琴響籟答前山昨日山中採木還意到疎簾清簟外
秋來流水古松間

南海吳山帶爲王紫詮觀察詩畫冊與化趙貢
夫於燕市得之紫詮名煥寶坻人有憶雪樓詩
集其由惠州守遷川南觀察在康熙三十四年
此冊則明年春粵中詞人餞行所作也予在粵
八年未得見山帶畫而廣州之栗園惠州之憶
雪樓皆未親訪今見此冊追念昔遊宛在几研
間因作二詩題其後邀馮魚山同賦

蟹舍漁村碧玉灣扶胥黃木斫屏間忽疑雪瀑穿雲下
誰向金茅採藥還東郡祇應潮響接南園未許粵風刪
海天一粟祠軒側髣像重洋遠近山
同過佟聲遠栗園
詩注云栗園在大
忠祠抗風
軒之側

么鳳娟娟翠不收驚城道士自騎牛人間竟有飛瓊語
今日誰知憶雪樓石墨儻同探麋鶴詩囊未得縮羅浮
寄聲試和空江笛環珮天風萬壑秋飛瓊句用冊中王
州牧牛道士題憶雪樓
使君述夢事也惠
長歌見王文簡居易錄

題嚴道甫玉井窰蓮集後

嚴公手勒雲臺壁氣滿金天之大宅千仞東捫蹠掌胷
一條西指長河白平生睥睨王安道鏤銘欲補昌黎伯
十丈如船本喻言九節携筇竟何得斗杓萬古杜與韓
元氣未收憑筆力募收招拒浩難倚白鹿茅龍莽無迹
仍拈千葉白玉池相約玉桃期可食腸胃一洗五十年
石膏紺碧無人識石作蓮華太白語畢竟是花還是石

請君息息認歸根且莫區區尋藕蒨我有表逢郭香字
遠據周官職方職河北關西兩舊本列宿熊光台壁
重摹勒石竟何日疑信紛紛見聞窄予所以見王山史漢延熹西岳華山碑舊拓本雙鈎寄陝西中丞將重勒之矣會有疑其贋者竟不果勒君當焚香
訴真宰稽首山靈爲剖析金庭玉房儻不閉秘錄幽經
尚盈籍何愁丹篆讀不爛試問鐵綆塗誰闕巾箱真形
秘莫覩畸窻全圖悅如憶障溼松雲共一囊袖引天星
不盈尺子欲華池長不飢山中花開復來覲植霞大海
目一漚滿篋雲濤飛古色

宋芝山買得墨蹟四行云碧眼胡兒叫橫玉落
月如盆照茅屋美人清夢斷梅花却寫相思在

修竹至正甲辰七月望日與張可觀觀于市涇
別業因題以識顧阿瑛按此卽鐵網珊瑚所載
補之竹卷後題也不知何人割贍後有佳紙屬
爲賦詩

補之竹卷落誰手有人想像玉山詩詩尾蕉林小印二
猶是詩畫未割時埜涉翁題爲進叔野航道人手錄之
曾以寫梅喻寫竹一家風味無町畦甲辰至正歲廿四
市涇別業秋又期諸老凋零已畧盡落落對影楊與倪
鐵龍裊裊叫橫玉鳳凰渴想琅玕枝萬古清音更清節
時無冷倫與伯夷翠袖天寒奈佇立梅花幽夢憑誰思
故應見詩如見畫金盆落月影在池合溪空碧蕩雲氣

逃禪逸客來何遲紙上月光拭不去後五百載待我題
同在森森孤照中小蓬萊逕路不迷借令延津弗合璧
研屏已洗秋猗猗搜義軒中寫畫記儼若對舉雙朱提
我與逃禪共法乳入室請證邕禪師予嘗見仲瑛於搜
蹟正與此書相類也揚補
之書師率更化度寺碑

瘦同自陝西來以所與錢獻之題名唐石經後

字拓本屬題

乾隆壬寅秋張塤與錢坫石經篇題隙篆各一行占拓
本示我笑敬勒初非僭名姓置此間勝似登科艷置酒
以賀君顧名義須念萬古日中天道寄于鉛槧童年口
熟之白首誦不厭上者堂室升下乃頑愚矧要取根柢

深不止藻采挾經師匪一途各自心得壓清夜汗浹背
孰爲吾所欠專精不外營積久乃有驗休乎卷帙籤銘
若槃盂劍苟徒紀遊蹤不如題茆店篆書頗端謹想見
神志歛嗟我何爲者綴詩已竊忝

次答魚門足疾未瘳八疊前韻

怪爾神遊以意行簷山陟到再成英踵餘候氣還真宅
蹴起文瀾湧化城印否從之追步捷視其後者聽鞭聲
倍余四疊鋒仍銳頃刻尻輿變幻生魚門已十二疊矣
魚門有痔疾故未
之句戲

十二月十九日東坡生日諸公雪中集蘇齋同
用生字題邢房悟前生圖二首

濛濛香篆不分明聊借茶烟散玉英

竹垞携炷香
苦茗爲供

我記

夢中哦七字誰憑石上話三生昏陰凜冽翻成暖畫意
模糊未放晴松吹冷然下天際響泉豈必定秦箏

元和新脚樣誰爭恐是摩圍目自成書派詩情皆道妙

水流花發又雲行了知是晝初非悟借問無絃那有聲

累客菜羹珍味少小齋慙媿讀文生

南宋人語云蘇文
熟喫羊肉蘇文生

羹
喫菜

今年夏予得吳蓮洋所書邢和璞事因屬安邑

宋芝山爲作邢房悟前生圖於東坡笠屐像冊

子前今同人集蘇齋作坡公生日又適題句於

冊芝山爲蓮洋鄉人作篆及畫皆有師法故附

詩及之

跣趺息息證前盟月下松間悵望情
次律何心鐵門限
蓮洋儻記玉溪生故書江渚琴絃語
短軸天風環珮聲
宋迪于今爲誰寫嵩陽一笑大河橫

復初齋詩集卷第二十六

大興 翁方綱 正三

秘閣直廬集下

癸卯正月
至八月

蘇詩補注刻成有述

蘇齋昨拜公誕辰焚香繪像亥到寅

自己亥歲已來於
十二月十九集客

拜公生日
今四年矣

歲朝剛逢補注歲夜夢笠屐瞻來親奎光作

作照萬古峨嵋天半青嶙峋後生竅敢那窺測山嶽欲
補嗟微塵八注十注不可見吳興吳郡勞則均世惟知
施不知顧更誰傳穉遺楷珍我藏舊本已十稔欲摹脫
力慚千鈞區區掇拾齧蟲鼠斑斑毛角留鳳麟淮倉官
廨有補述十鼓攷訂同辛勤黃注之任王注李吾嘗別

白操觚人

任天社注黃詩李鴈湖注王荆公詩皆有補注予皆獲藏於陰荆公詩補注予以庚寅歲

考之知其出

曾景建手也近來海寧查氏補所見鈔副初非真舊書

橐魚義待析杜詩過鳥痕猶新曹家書倉喜辨問東坡
錦段餘書紳年來矻矻寫盈寸庀材而就營兼旬裝函
陳几冀公鑒紙墨相著疑有神漫堂已卯拜祭後寥寥
真意八十春邳村一片吉光羽江湖小集所未甄蘇門
先後作弟子山陰大笑呼老民放翁序自署山陰老民上元酒試
藥玉盞春盤菜比豐湖蓴薦筵重題仿歐楷永師豈必
房前身

次韻答凌仲子二首

據梧與杖策等是無成虧滑疑寓諸庸堅白何足奇罔

枅合比竹封豨非識時萬籟叩南郎五車漫惠施匠氏
爲占夢忽逢梁棟姿造物磊砢氣一笑偶共之風露一
會合礪谷交液滋夢中喻用語瞬睨焉得知

猗猗琅玕實下照瓊瑤圓節足相應聲黍尺嗟曠古奇
律不易逢崑邱復爲伍相感聽和平非因炫毛羽天
閭日五色綠樹春鶯語矢音勿自輕矯翮試高舉遵陸
儀旣成中汴溯焉阻噬肯惠昕夕飲食式歌舞

上春九日同年公譙晴溪學使齋奉呈諸公兼
寄懷鹿泉

景謝錢翁並二張懷人把酒貫經堂花陰冉冉六節使
華髮蕭蕭三侍郎上番風添暄紫陌卅年譙記簇紅粧

管絃拉雜春雲熱催我街西看海棠憶王申春於金圃聽鐘山房和錢太傅法源寺海棠作也今年錢湘舸殿撰來寓山房予趣其重踐此約故及之

爲宋芝山臨董文敏自書像贊二首

甲戌孟春年八十尚書初予告身時香光一室誰分別
可是禪師是畫師

蘇室蘇齋息息因與君一念證前塵故應不是王文度
誰寫平生竺道人

次韻奉酬蘊齋二首

時鎮堂在濟南

安昌鎮夢十經秋報子街坊話昔遊冉冉催成花信驕
蕭蕭唱出雨聲愁蘭亭蘭紙懷孫綽桂水瑤華憶惠休
簾舫燈紅搖影在珠江日夜向東流

高薛慈恩各有詩酒壚畫壁不同時勉旃屈指佳兒繼
側想當年玉樹姿萍梗追從難意計松筠貞固是心期
陸郎莫憾書千里明月還來到酒卮

題新城王文簡像二首

昔望蠶尾山如依洞宮脚沈寥十年思咫尺千里託夢
中寫鵲華空外倚衡霍斯人不可見妙喻何從著嗒然
圓鏡中誰與證前諾水月印梅花松風度高閣

每愛王摩詰側想香爐峯云何王孟作不與韋柳同五
字律琴絃三唐首射洪先生言外意測景吾何從三昧
悟至精兩端請折衷設問劉與郎何以發春容有能代
答者千載旦暮逢青山白雲外一杵斜陽鐘嘗謂漁洋
品古今五

言詩以盛唐爲宗盛唐人五言又以三昧集王孟諸家爲宗然而先生選五言詩於唐止取五家乃有韋柳而無王孟諸家者何也請下一轉語方許拜先生像

廣州光孝寺西漢金塗鐵塔歌

我觀雙塔乙酉秋烏金手量窮四周東塔三紙西一紙濡墨字比琳琅球北歸十年驛使寄李侯繼我精討搜以刀剔金字乃出三隅並得蠶蠟收張生又繼李侯訪層層面面文可求飛簷疊栱日光眩橫書勢與凌雲侔縮丈爲尺圖作冊自西而北識所由丁卯文成癸亥後三十二孃同奉修澄樞國主銀臣下姓維龔也名兆劉十國諸州鑄金屬內官題記有此不二百使名不可記玉清龍德寵特優沙門系銜賜金紫入緣弟子題韶州

朱老概從內官紀同屋之說誰諮諏亦若盧膺應初字
漁洋竹垞盾與矛昌華苑路渺烟莽素馨花田蔓壘疇
蕭蕭詞梨樹子下寺僧指點茶瓜留張生讀書亦此寺
聽琴看畫同唱酬香烟繚繞二丈頂鏡光離合千佛頭
朱老來後九十載後先楮墨追前遊張生書復李侯憶
金石可鑠交不偷寄我此詩寫寺壁簾檻靜照珠江流
塔影却來吾研側蓮花香氣夢藥洲

西湖青衣洞唐開成題字

大唐開成五年六月十八日

道士邢金錢唐縣令錢華記道士諸葛口元書凡三十四字八分書

青衣洞口八分記聞諸周密與陸游陸以斯題證斯地
泉湮三百六十秋但云視泉心有愧得及道士逍遙不

周來又後將百載亦偕道士訪勝流又云苟有心經刻
刻已殘缺難此侔泉名閱古義誰屬閱唐閱宋如傳邨
閱古旋供後人閱陳迹幾副雙眼收我今閱古又不爾
麝煤尺幅圓璣投一縣令偕二道士道士名字煩討求
陸記云道士諸葛鑑志云諸葛鑑元周南園興廢干誰
記云南岳道士邢令予按鑑令皆訛也事陸亦局外而況周銷金鍋子迅掃訖依然翠壁鏤深
幽十樣亭臺渺何有三尺鏡檻瑩于油諸葛雖生韓蔡
後波法豈減昇卿儔飛泉濺沫落點在五字泐損烟雨
愁嘉泰記文竟不見山靈韜匿非人謀龍泓天竺富題
刻濡繒屢夢湖水頭錦初擘阮舞紅綳綺語不到閑茶
甌

劉松年風雨歸舟圖

絹尾署云嘉定庚午劉松年

暗門風雨作團扇淡色江山開半面思翁一見認范寬
不敢評量同畫院院師突過張都尉紹熙格比淳熙變
清波門外賜金來妹子楊家字題遍此幀依然團扇法
四山雨急攢飛箭千帆疊鼓礮殷雷一道金蛇江劃電
高峯壁立溼空青對影濛濛烟一片舟人咫尺盼漁郎
儘力篙撐激波漩昏黑中間竿籟聽精靈恍惚蛟龍戰
迷茫竹樹家何處蓑笠柴荆憶如見得非寓意寫湖山
未解歸杭作歸計秋山行旅題甲戌四秋前已歸程羨
院中名噪四十年粉侯弟子工能諫小楷鱗紋墨暈間
耿耿元精穿素練補入杭人院畫錄墨池半晌雲濤眩

漫認蕉林小印章試摸嘉定雙絲絹

正月廿二日入直同魚門用新字

又到書成 錫譙辰半開池水綠鄰鄰雲

聖日光華近

仲春
上御經筵

文石雕欄氣色新雪晃樓臺鴉

點樹風寒簾幙驚窺人紅牆陰下趨班處臣與松篁共
寫春

書山陽吳揖堂一詠軒詩艸後三首

軒軒鳳鸞嘯獨戀猿猱羣鐵面阮御史袖此冰雪文思
親復憶弟千里淪清涕語我江淮上有此陶韋體知音
儻可期墨瀋庶一泄君求元晏序我媿丁敬禮

常怪孟郊句好詩空抱山又異嵇康語鍾子豈虛歎

嵇

夜交各發一詠之歌則 幽幽深谷蘭秋水日潺潺真香
鍾子之徒審其情矣 非衆臭奇音不輕彈寵辱毀譽忘神出古逸間始知我
輩詩蕪詞不勝刪

我有金石癖心契山陽吳手釋皇象文竟獲巾箱圖

已典試金陵作天璽碑考因買得碑圖一卷卽吳山夫手迹也 惓惓茲集中時時說山

夫烟水風露氣中有斯人乎因君託遙訊儻得訪遺書
空音答風雨遠夢來江湖

瘦同爲予於定武落水蘭亭臨本後作鑒藏世
系圖昨偶檢輟耕錄又得分湖陸氏因語瘦同
補于李叔固後白函三前免使此三百年間太
寂寞也瘦同以二詩來次其韻

陸家傳付語應長三百年間賴弄藏文董諸公渺何處

空教茶夢寫俞郎

予所藏俞承謙續蘭亭考嘉靖乙卯茶夢散人所錄

異代中吳有舊盟分湖地址未分明珊瑚鐵網箕裘在

湖水依依眷屬情

相傳朱野航之子贅於陸遂姓陸氏

瘦同札來云問諸鄉人分湖一曰汾湖昔人有

如何一湖水半秀半吳江之句蓋秀水本吳地

也因自改云艸堂一水兩湖平并要予改前詩

明字韻再和二首

襟帶盈盈一水長永和春色此曾藏宣公祠下蘇碑補

誰與摩挲繼陸郎

瘦同云分湖陸氏宣公齋也去年予爲姚侍御補臨馬券帖刻石於宣公

祠

墨緣留得越州盟白石誰爭絳帖平苦爲禾中添故事
木雞軒裏十年情錢籀石所收定武瘦本今已篋歸秀水矣予今考之乃是越州石氏雜帖中之
一耳

松阿道士詩照二首

道人雖畫師而畫莫能肖故憑詩傳神以作君寫照軒
軒氣磊落森森骨寒峭孤情澹雪霞遠意橫海嶠振筆
萬象來散髮忽狂叫俄收趺息中習靜觀衆繁香濃篆
烟紋雪冷梅花笑借問畫與禪空際誰領要獨立君始
悟風來竹自嘯二句用龍標東坡爲卷一紙永禪師何用詩繚繞
明月前身句有無鏡光拈出妙如珠請君文字中央認
此是松陰背影圖

敬觀 大成殿

內頒周範祭器歌

惟

聖憲

天

師作

君惟

帝稽古質備文傳心一貫契洙泗考禮三代衷夏殷特
頒 內府周禮器以薦明德升蒿煮三千歲前古制作
一十匣啟光氤氲康侯晉錫作寶鼎內言卣並通雷紋
犧尊犧壺取象合壺觚爵洗琬章分師望之簋召仲簋

福滂用饗垂無垠銘辭質朴字渾厚庚庚篆勢蟠螭螭
廟工重葺歲戊子度此法守遵前聞從周之志緬如在
文乎郁郁誠交欣昔聖師承憲文武四代服器稽考勤
大司樂篇小戴記況到豐鎬徵大昕施于精意烝彝鼎
穆如考擊維鏞鼗

至誠合符氣遙接槐陰春雨桃欲蕢上丁習舞命樂正
夾鍾應律鳴管籥

躬親三獻古未有

舊獻爵一次
皇上特行三獻禮

正中十器益苾芬

曾堂金絲泗濱磬端木侃侃閔子間

升輿燎畢百禮備一院肅肅祥和雲小臣敬侍右墀下
昌辰慶際萃典墳欵識都兼呂及薛古籀漫說經與嬭

前來石鼓快考索今獲典寶瞻華甍 中天禮樂極隆
軌大闡經術充香芸周官載舉辨名物曾頌其誇采泮
芹於論於樂仰

聖制重開壁水流沄沄

是日有詔復辟廊之制

順德府學祭爵歌贈洪守

爵爲成化七年黎守永明置予前有詩

乾隆癸卯二月吉

聖人釋奠上丁日臣職西階記禮儀靜聽聲宣夾鍾律
歸來敬考辟廊制一夜夢響金絲瑟明晨走送洪知府
綠香艸堂交促膝我無朱提韓子璣成化雙爵遺其一
舉以贈君君無忽清風樓前郡人述想見黎侯績在人
聞說京山骨猶慄磊磊清剛何必同凜凜持盈要無失

滿堂賓客爲起立悅到郡庠瞻舞佾知君百度具修舉
更叩諸生舊典悉圖書禮樂 今大備郡邑官司皆覈
實中和頌覓子淵才潔白心將古井匹順德學官有古井最甘美不
虛今夕贈復酬豈獨俄頃膠在漆何用金觥與玉卮追
琢精良由本質他時薦登垂不朽續補黎侯功未畢儻
繪清風使節圖試仿分波禮器筆

送同年萬梅臯歸南昌二首

瀧岡老淚倍傷神鴈塔前遊感卅春珠箔飄燈重入夢
甲戌夏與渭厓淡泉梧浦紫峯集 齋寓舍送梅臯用李義山春雨韻通 紫藤鉏圃竟抽身
君近刻 清光道眼知深養倒篋奇文不似貧樂事相
關誰寫得八分披豁對吾真將行屬予爲書餘樂堂扁

北地遺山健筆扛南州孰與道園雙憑君補刻勞歸舫
助我磨鉛勘夜窻樓倚章門叩詩派花開上谷勸春缸
相牽老伴還鄉話更有心畚與曲江君近刻元遺山詩集

心畚見招不赴賦謝

病不談詩氣轉雄雙眸如水照春空政防我輩錐囊底
都落先生塵拂中迦葉問花賓對主醍醐與酒異耶同
消磨一覺藏園夢南浦窻開柳絮風

顏衡齋學博於泰興季氏購得明萬厯己未朱
蘭岫侍郎爲張鍾山學使臨李龍眠東坡笠展
圖屬未谷跋其後以贈方綱今春蘇詩補注新
刻成而適得是圖謹於蘇齋預舉今年臘月十

九之集邀魚門瘦同衡齋穀人芝山仲子拜像
賦詩

龍眠笠屐圖孰傳妙高臺頂夢未圓前世德雲今我是
借問奚謂不繫船金山揭得董臨贊獨有畫藁臨者難
漫堂中丞奉絹本仿佛臨宋因題元江南舊家珍此軸
金陵宗伯神翩然何人敢與坡對酌恐非筆墨能爲緣
白虹青萍萬丈氣蠻烟蜚雨千載寒笑看脚底踏流水
切恐語響驚空山雲披夢澤鱗跨海九霞知共誰往還
靈音問答意有屬蘇齋一縷茶甌烟泰興之遊正爲此
半年裝壓桂與顏贈來適逢補注葢摹像未敢商邱攀
稽首謝公倦我厚焚香何以副此虔相望成就真實意

公平氣滿天地間萬古渾茫一津筏半夜跼息觀本原
清白狀元却金手朱侍郎奉使朝鮮盡却其贈賄臭味何減真龍眠桂
顏千里若一室初春仍補舊臘筵小桃花開宿雨霽夜
闌星斗光中天

送署士直閣往 盛京

文淵閣度書二首

十年課共繼膏程千里榮看擇日行要與麟臺添故事

更瞻 鳳閣游 興京恭惟文廟即立文館築翔鳳閣以譯

書史實今日盛京函齋四庫羣書藏水到三江萬壑

并君叩淵源津逮合始知大海是蓬瀛

天作高山雅頌基向來章句管中窺誰從 秘閣崇文

錄親見生民下武詩皇礪鮮原風雨會金書玉字日星
垂借君排比籤厨暇剔蘚蒼厓訪舊碑

爲未谷題沈石田小幀

前山靜境誰聲聞與君隔溪復隔雲亭上詩聲亭下水
不遺衆籟皆成文鏗然策杖者誰子扣戶相索古典墳
五更艸屋罷風雨木末吐溼如蒸饌

西苑司經局直廬作

襍被周廬鏡檻通天然畫意矩隨工

是日韓非子方圓隨規

矩爲題

人來卷軸編摩暇屋在神仙界局中綠重襲衣如

曉雨寒輕拓戶識東風濛濛水木清華氣聽梵鄰庵四

載同

湘舲移居聽鐘山房與法源寺比鄰相訂今春
爲看花小集和香樹老人舊韻以備山房故實
乃今春垂盡矣而法源海棠甚稀賦此謝之

廿年詩筆逗花叢夢繞僧廊淡月痕何減携來千粉曆

莫輕幻作兩山門

近日遊人多捨法源而就崇效者

悟餘空色拈成笑

離却聲聞道亦存此是聽鐘真實義與君對榻試評論

送蔣心餘歸江西

五年重踏東華土一枝仙筇颯軒舉莫作詞人老態看
尚醉紅裙按歌舞天風海濤長嘯聲九變雲璈擊靈鼓
聽者神移出恍惚乃是先生度新譜五年京國自刪詩
幾箇同岑還舊雨春來幾日倏離筵使我驚心慚贈處

豫章詩派紫薇圖皖公石洞尋初祖萬古蒼厓不可開
公獨摩天揚巨斧擣霆瀆月快一歎裂石穿雲有餘怒
要借高軒文駟場寫爾西山北蘭圃詩家狡獪例應爾
邗上烟華翻不數元知示疾非真疾本來無缺何從補
北來特欲試吾曹離垢齋中澹香縷獅子一吼震大千
此老神完莫輕侮藏園正在章江上以集名藏吾未許
政當一本付匡廬一本仍歸吾舊侶或於潭柘或法源
歲歲花開共吟竚廿七年前老史官歸作百花湖石主
多時蘭玉光芒蓄如此江山奇氣吐海棠吹夢過雕欄
月白章江響飛觴

題巴俊堂所寄酸棗令劉熊碑雙鈎殘本和唐

人詩韻二首

兆圻斜文儼洛龜何須易卦補詩辭歐陽原得叢殘紙
題作俞鄉季子碑右王建詩韻

較之華廟瘦能疎始識中郎力有餘潤色天然又東里

區區考辨蔡韓書

予曩於張遷碑搨舊拓本補東里潤色四字今是碑又得此雙鈎本東里

字以補洪氏之闕亦異矣昨友人自新鄭拓得子產廟殘碑七片

右張祐詩韻

袁通甫錢唐雜詩墨迹卷

凡十三詩書奉鮮于困學教後有困學及

龔存撫干壽道貢仲章陳子貞鄭明德柳道傳姚師德黃晉卿王汝玉吳敏德吳匏庵題識

石洞先生拂席歸靜春之堂時未禁滿腹天機蘭菊香

一棹西湖烟水綠粘雲落鴈想番江痛飲荷花憶龔璠

虎林隱吏爾何人相對照見吾天真酒酣且漫作狂州

雨夕請聽歌連晨一幘鷗波好圖畫千年臥雪真精神
少陵豫章同骨節半山山谷何分別爾時諸老共推許
知已歌殘重淒咽迴念秋深存悔題誰向君家仲長說
元統之初銘石傳璽口學士詞鏗然孤兒涕淚語諸老
遺墨倏過二十年以昌其詩表其後悅復月明來扣絃
風迴波定雨復止南峯之南裏湖裏劇談定與漁陽俱
花開復棹吳江水春陰一笛梅磯邊怒石翻雷瘦蛟起
鄭子產廟殘碑歌天寶七載口月十三日專知
判官宣云云僅此數字可讀
殘隸鉅波勁無匹記年僅辨天寶七偏傍約畧三十字
鄭國公孫之饗室來梅岑記有唐修關中
來濟僑東里字猶
堪述不知梅岑親見否何年石泐文全失熒熒七片泐

之餘磊磊千年氣逾出專知判官令與尉重葺堂延延有秩所司具位表系銜不忒虔齋用剛日陘山之北裴

林西水弱淵寒莽蕭瑟石塚何勞辨元凱陘山子產墓杜預遺令與

水經注除廟如聞答游吉遺規尚並鄉校存潤色知難

頌詞畢何人入分似韓蔡相衛之間多蔡筆我疑果是

騎曹書虎賁中郎尚難必黃君畏石去嘉禾千里今誰

蒐放伏聞君篋笥頗珍惜猶勝祠垣塞穹室終當摹補

東里字洛川石與明神質何必房公遺愛碑徐會稽書

仲春律濟源令房公遺愛頌天寶七載二月徐浩書

元延銷歌銘在屑右云長安共厨銅三斗銷卅枚弟廿重十五斤八兩元延元年十

月造凡廿
五字篆書

宣和曾弄梁山銅元康那記官廚供此後元康五十載
斤逾十五三斗容未見其器讀其字螭扁之體光熊熊
款識何區孝宣世偏傍漫假薛尚功元延之初大書紀
綠綈方底屏風東唾花廣袖噉不食浴蘭七箸廚誰充
此銷爾時職何所署名亦豈梁山同三十枚中獨存一
牛官儻見憐曹官小盆鎗銚紛訓故屑銘補入古鼎鐘
圓旋半規鏡銘樣拓窻皎月來秋空

未谷得醉鄉侯舊銅印寄予云以贈穀人予因
約魚門瘦同先爲詩調之二首

竹君仲則俱黃土日月堂堂逝酒漿此印聊供詩料耳
侯乎勿以醉爲鄉

麴部尚書聖酒軍丹方觴政寫傳聞廣文夫子錢誰乞
只有江東日暮雲

未谷爲予篆及見落水蘭亭六字小印而柏泉
爲予勒定武瘦本于石適同日成之賦二詩兼
贈二君

退谷瘦肥非一石我先乞得瘦精神十年燈影橫斜認

百僞何辭遇一直

壬辰夏見瘦本辛丑夏見落水本

春陰如夢落窻紗半幅玲瓏觀墨花縱有伏苓黃鶴手

水仙誰悟月痕斜

落水卷內墨花滿面

朱蘭嶠臨龍眠畫東坡笠屐圖山陰朱蘭圖復
爲摹幀載題其後

世人目坡翁詩狂與酒聖此幀朱張題對飲語誰競讚
以人中仙深知謫非病季也無題字時稱藏書盛金陵
侍郎家書畫映交映同集鍾山齋豪呼酌觴興一笑月
出高此景坡所贈後百四十年江閣蒼烟凝醉意風竹
俱稊葉吹不醒桂顏魯兩生遠夢發幽竇購爲蘇齋供
兼之跋語媵我補施顧槩半載八卷竟適逢馳書來芥
石若相應稽首藝辦香私衷請遙證先生本靜者嗜酒
非天性詩中偶及酒皆有託而詠卽以詩法論亦非以
狂勝進取雖孤高所裁乃雅正使遇聖刪詩韶武音放
鄭先生必高第羣怨興觀稱真放本精微內照天光定
南郡知誰爲北門須善聽昔有成都僧肖顏鄉人敬萬

里乞公題墨灑枕椰逕前世德雲身時聽金山磬烹茶
妙高臺復見留名姓天地一羈人有情皆共命龍瞋山
中客懷舊憂思恹南箕翁舌點化作清光瑩戴笠風波
避消作空水鏡和陵川題坡像云畫工豈有浩然氣謾
著南箕翁舌空點悲陳眉公題坡像云
問汝無風無雨何爲戴笠披蓑
不是喬粧打扮會經兩地風波赤壁石磯俯玉堂雲窻
凭妙手一視之浩氣千秋亘豈惟酒非嗜抑且詩其剩
刻藤粉本摹正色寒芒迸不敢輕挂壁瞻近晨與暝朱
也復摹朱虎賁非優孟弗假觀者題自倚筆鋒勁先生
其鑒臨洪川助之榜炯炯萬丈光補我短燈檠松窻響
怒濤一氣風雨橫

予旣考證李伯時畫東坡笠屐圖事復題二詩

於幘

同在元符末江南望海南山川心不隔笠屐影無慙逸
氣留天地蠻烟老惠儋祇應故友識摘葉寫茆庵
舊史傳文苑當年想畫圖烹茶來釋子載酒有生徒萬
丈光遙接千秋墨共葦衣紋託清夢知我室名蘇

題頂易庵梅花二首

戊寅穀日集了殘閣
觀梅爲道樹禪友作

每聞夜雨孤檠意他日圍爐話了殘烟樹模糊雲影淡
月中清瘦雪中寒

未到竹垞攀巷柳纔過元宰說文孫朗雲堂上三生夢
一抹溪橋落墨痕

羣玉堂米帖殘本歌

三十八行百琲珠突兀嵩華有是乎二王之前有高古
此老目欲嗤俗書韓歌周鼓及晉字杜亦狂艸譏東吳
右軍晚年悟篆籀蘭亭其體非形模如何漫比顛與素
操戈入室堪驚吁琅玕葉寫太師竹桃坡夜宴紅燈呼
雪溪向冰富賞鑒青衣洞字龜堂摹平原之封慶元末
此石想勒嘉泰初嘉定更名入祕省不數寶晉英光孤
爾時御府有米帖紹興璫蠟恐弗如此本是否嘉定拓
尚恐出自若水徒南渡以來考圖籍梁溪雪溪家世俱
冰也苦爲閩古役如此紙墨虹光鋪竟當題作閩古帖
必也正名肯爾諛江左清談溯王謝書表題扇非時須
窮原返本在質厚古錦玉軸良區區隄隄一滴萬萬古

誰論楮葉兒女膚跪拜墨王發狂叫露花如雨飛庭梧
帖云晉武帝帖紙糜潰而墨色如新有墨處紙不破

東坡海市詩石本

先生一吸大海空海市原在空光中淋漓萬象寫胸臆
軒轅九奏黃鍾宮銀潢倒瀉落蒼石斧鑿無物侔神工
正書結構不艸艸更餘怪特掀蛟龍直疑琅邪訪秦篆
誰以偃筆疑坡翁想見憑欄瞰萬里極天翠掃長虹雄
沙門五島忽無際齊州九點誰能窮至今公猶此閣上
香烟駢馭來冲融偶驚空山誦前語遙對大海酹一鍾
市出何區以十月石痕又淺於元豐拓本經秋帶積蘚
畫文古瘦如鏤銅竊忝蓬萊小閣號笠展圖側來松風

陳無軒學博得讀書牀有舊銘銘後掃落葉頭
陀識拓其文寄予爲作歌

湘管齋中夜然燭一編寓賞今都穆
搖筆裁箋日不閑
倚遍湖欄烟水綠
懷人北地已自奇
作吏勾餘良不俗
讀書牀好誰所貽
燕几圖成績爲錄
牀寬八寸修弗知
拓銘與跋待我詩
掃葉頭陀定誰是
混沌夫子文尤奇
樊川禪榻有前約
鄭虔痛飲堪吾師
吟詩讀銘元成睡
好友入夢聯牀時
頻螺庵主爲題品
舊與張生銘筆飲
好事無如識字人
艸隸橫斜成碎錦
湖上樓頭忽風雨
墨點斜飛訝餘瀋
時復芭堂對枕藉
恨不芝山同訂審
芝山抱銘過我齋
此牀此字真吾儕
宋家髯几鑒明月

千里無軒對影偕長取書牀不塵滓政要良友相磨揩
何減天隨筆牀權時傷杜家花嶼來

友人於揚州馬氏得厲樊榭摘選宋詩識語數
紙見貽因錄樊榭徵刻宋詩紀事啟藁於前附
裝此蹟題二詩

州泉內鄉後生面賴重開一百籤排次三千部翦裁藏
非次道比義已斂夫該想見湖窗啟潮聲挾海來

南湖花隱處不獨感循王抱玉家何限銷金話最長酒
酣餘涕淚畫苑卽文章樊榭有南宋
院畫錄八卷邗上玲瓏館繙書
意未忘

爲邵二雲編修題童二樹山人畫梅二首

金石平生契，杈枒老幹存。懷人臨野水，斜月挂孤村。白

石蘭亭問

姜白石蘭亭得之碑驛童道人

青藤瓦券論

二樹所藏晉太康瓦券見徐文

長山陰風雪路，窻影又黃昏。

二雲思二樹，花作故人看。古鏡園泉譜，春流曲水湍。性情難寫照，骨格本高寒。欲訪遺文錄，東風費倚欄。

時帆檢討溪橋詩思圖四首

我識君門巷，溪流小板橋。疎花相倚笑，老柳最長條。月影新詩得，鐘聲昔夢消。依然禪榻底，雲活水光搖。

三十年交契，憑誰話素心。承家推世學，積厚起詞林。報答春光好，商量句法深。鳴泉珠玉瀉，和爾譜瑤琴。

愧共清班忝，銜克七品曾。

時帆新克日講官

盟心珥筆地，對影

讀書燈感舊相劇切霑

恩倍戰兢淡交塵迹外笑擬一條水

幾箇前遊客郊西續舊詩綠塍澆酒處小圃看山時野
色孤邨曲經畝萬卷基夜來新雨霽拈起妙香吹

峴山石幢拓本

峴山杜碑不可見墮淚之石亦不存慶厯以前七百載
寥寥此意留乾坤中間尚有題識否江山空見歲月奔
龍圖學士左遷至王原叔爲感廢廟臨荒邨表修屋宇想

登陟因勒文字薦藻繁賓從和詩刻諸石如與從事中
郎言召伯甘棠旣勿翦征南故事且復援萬山之下峴
之上白日照耀臨湘沅宜訪斯碑爲重建覆以亭榭臨

以軒仰睇羊公俯萬世曠看天宇傾一樽人生所感偶
會合豈唯登眺嗟寒暄丈夫磊磊動天地名聲不繫寂
與喧與人家國有實濟相對夙夜觀本原叔子懷柔矢
德信真氣已欲東吳吞暇嘗置酒領賓客已復弔古增
鬱煩石雖紀遊石何與山以人憇山彌尊熙豐轉瞬宋
南渡中原北望傷精魂王龍圖復峴山諸詩後有皇祐
嘉祐熙寧元豐元符紹聖崇寧
淳熙諸題淳熙乙巳臨川王厚之順伯被命措置郵傳
至襄陽孟冬二日還轅荆山高仲一丞嘉劉義山中山
賢伯英餞別于峴首天宇清肅北望中原慨然久之後來山河角尖縮全局一覆
于襄樊信哉在德不在險鉅平死後恩逾敦異代遊人
那得識但見靈景開晏溫八觚翠石墨花滿千秋烟雨
涕淚痕道輔書如大蘇蹟擬裝以配雪浪盆元符元年
六月十日

郡太守岑巖起飲餞前熙帥鍾弱翁于此吳周臣趙德麟
麟魏道輔李方叔俱至庚辰二月六日吳周卿趙德麟
趙君度謝公定魏順伯囊中有碑錄遺蹟又爲來者捫
道輔魏承老同來其餘客若星過留潭水日夜鏘潺湲我得搨文不敢褫
重是賢達來更番嗟賢與否豈易識史所不及匪目論
粘之屋壁當登覽耳畔如叫湘山猿